

ч. 11 мя, помо||зи ми, господи, яко Моисию на Амалика и прадеду моему великому князю Ярославу на окаянного Святополка». Приспе же тогда день субботный, възходящу солнцу и съступишася обои и бысть сеча зла и труск от копей и ломление и звук от мечнаго сечения. Якоже морю двинути^к, не бе бо видети леду: покрылося бяше кровию.

Се слышахом от самовидца, глаголюща: «Се плък божию прииде на въздусе на помощь Александру и победи их помощью божию». И вдаша ратнии плещии свои и сечахуть их, яко не бе камо убежати им.

Зде же прослави бог великаго князя Александра предо всеми полкы, якоже Иуса Навгина в Ерихоне. А котории же рекоша «имем^н Александра руками», тех дасть ему бог в руже его, якоже кому же обрестися противяся ему в брани. И землю их повоева и пожже и в плен их много ведый и ведяхуть ѳ подле коней, иже именуются рыдели.

Князь же великий Александр, идыи с победы, прииде в град свои Псков, яже бяше отняли были немцы. Игумени же и попове в ризах и весь град сретоша его со кресты и въздающе хвалу богови и славу великому князю Александру Ярославичю поюще и глаголюще: «Пособъвий, господи, кроткому Давиду победети иноплеменики, а верному князю нашему Александру свободити град Псков оружием крестным и рукою Александровою».

О невеличавы плесковичи! Аще сии забудут до внучат Александровых, ту уподобятя жидом, иже пителися суть в пустыни манною и крастели печеными и си всего || забыли бога своего, изведшаго из работы египетския. И отголе промыслы имя Александрово по всем странам до моря Пешьскааго и до гор Аравитьскихх и обону страну моря Варяжского и до великаго Рима.

В то же время умножися язык литовьскихх. И начаша пакостити в области его. Он же выездя начя избивати их. Единою же случися ему выехати победы семь полков ратных и множество воевод. Слуги же его ругающеся вязаху к хвостам коней своих. И начашася блюсти имени его.

ч. 12 об. В то же время бе некто царь на Восточней^о стране силен велми именем Батый. И бог человеколюбец покорил бе ему вси языки от востока и до запада. И посла послы к великому князю Александру и рече: «Александр, веси ли, яко бог мне покорил вся съ||траны и языки, ты ли един не хоцещи покоритися силе моей». Князь же великий Александр по умрътвии отца^н своего прииде в Володимер в славе велице. Бысть грозен приезд его и, проиде вестъ его до усть Волги и начаша жены моавитския полошати^р дети своа, рекуще: «Александр едет, да умолкнете». Благословивжеса у Кирила епископа и потом поиде к церкви. И видев его царь Батый рече велможам своим: «Въистинну ми поведаша, яко несть подобна ему князя в отечествии его». И отпусти его с честью великою.

По сем же убо царь Батый разгневался на брата меншаго Андреа и посла на него введуу своего Неврюа и поплени землю Суздальскую.

ч. 13 По пленении же Неврюеве и по воевании Суздальской земли князь же || великий Александр церкви въздвигнув и грады исполни, распужныа люди събра в дома свои. О таковых бо Исаия пророк рече: «Князь благ в странах тех, уветлив и кроток, и смирен по образу божию есть, не презря крови праведничя, сироте и вдовице в правду судяй, милости человеколюбец, благ домочядцем своим, сиротам кормителю, богобоязлив, аггелам любителю и человеком щедр ущедряа и показуа на мире милость свою. И распространи бог землю его богатством и славою и удлъжи бог живота его лет».

^к Испр.; в ркп двинути^{ся} ^н Испр.; в ркп. именем. ^о Испр.; в ркп Восточней
^р Испр.; в ркп. отца написано дважды. ^р Испр.; в ркп положишати